



Inuussutissarsiornermut, Sulisoqarnermut Inuussutissarsiutinullu Ilinniartitaanermut Naalakkersuisoqarfik
Naalakkersuisoq
Landsstyremrådet for Erhverv, Arbejdsmarked og Erhvervsuddannelser
Landsstyremedlemmet
Ministry of Industry, Labour and Vocational Training
The Minister

Inatsisartunut ilaasortaq Anthon Frederiksen (MAANI)

Saviminilerinermik Ilinniartifimmi inissaqannginneq peqqutigalugu angerlartiinnarneqartussat, kiisalu Naalakkersuisut Ilinniartitaaneq pillugu pilarsaarutaat pillugit apeqqtinut akissutit

Inatsisartut suleriaasianni § 36, imm. 1 naapertorlugu Saviminilerinermik Ilinniartifimmi inissaqannginneq peqqutigalugu angerlartiinnarneqartussat, kiisalu Naalakkersuisut Ilinniartitaaneq pillugu pilarsaarutaat pillugit apeqqtuqaateqarsimavutit.

13.08.2008
Sag: 2008-010316
Dok.: 79554

Postboks 1601
3900 Nuuk
Oq/tel +299 34 50 00
Fax +299 32 56 00
ip@gh.gl
www.nanoq.gl

1.: Ilinniartut qulit Saviminilerinermik Ilinniartifimmi inissaqannginneq peqqtigalugu angerlartiinnarneqartussat Naalakkersuisunit qanoq periarfissinneqarniarpat?

Apeqqummut akissut tassaavoq:

Piviusorpiaq tassaavoq Saviminilerinermik Ilinniartifimmit atuarfimmit praktikkerlutik ilinniagaqartut 18-it, tassani ilinniagaqarnermi aqquasaagassat atuarfimmit praktikkerlutik ilinniagaqarfiusoq ilanngullugu ukiunut sisamanut naatsorsorneqarsimalluni. Ilinniartut taakkorpiaat saniatigut piffissami tassani ukioq affakkaarlugu nutaanik ilinniaturinik aallartitsisoqartarnissaa pilarsaarutaavoq, tamannalu ukiumi 2008-mi meeqqat atuarfianni atuartut naammasseqqammersimasut marloriaataanerat aamma sianigineqarluni.

Uani aamma oqaatigineqassaaq atuartut illoqarfimmi angerlarsimaffimmini imaluunniit sumiiffimmi allami ilinniagaqarfissaminnik nassaarisarqarata, imaluunniit praktikkernissamik isumaqatigiissuteqarata ilinniartut taakku nalinginnaasumik ilinniagaqarnermik aqquasaagassamik aaqjiinermut ilaajunnaartinneqassapput, taassumalu nassatarisarpaa aamma kollegiani inissanut il.il. tunngatillugu malittarisassat allat atuutilernerat.

Pisoq tamanna tunuliaqutaralugu Naalakkersuisoqarfiga immikkut ittumik aningaasaliissuteqartoqartariaqarnissaanik misissuillutik aallartereerput.

Suliniut tamanna immikkut illuinnartuuvooq, maannakkummi Nuummi atuarfiup aallartinneranut utaqqisuniimmata inuit 80-it tikillugit, tassalu atuartut akiitsoqartut saniatigut, aatsaat kollegiamik aqutsisoqarfimmut akiitsuminnik akiligaqareerunik utaqqisut allattorsimaffiannut ilannguteqqinneqarsinnaasut.

2 aamma 3 ataatsimoortillugit akineqarput:

2. Ilinniartitaaneq pillugu pilersaarut kingullerpaaq qanoq isikkoqarpa? (Tassani ilinnairtut ineqartinneqartarnerannut, praktikkerfissaqartitsinermut, Nunanut allanut praktikkeriartorsinnaanermut periarfissat ilanngullugit il.il. tamakkiisumik nalunaarsorneqarsimappat?

3. Ilinniartitaanermut pilersaarut qanoq nunatsinni pisariaqartitsinermut qanoq naleqqussarneqartigisimava? Aamma pisariaqartitsineq qanoq tullerriaarneqarsimava?

Apeqqutinut akissutit tassaapput:

2005-imi decembarimi Naalakkersuisut ilinniartitaanermut pilersaarummut siunnersuutaat 2006-imi Inatsisartunit akuersissutigineqarpoq. Taamaalillunilu kingornatigut naammassineqartut suliniutinut tamanut tamanna aallaavigisaavoq.

Ilinniartitaanermut pilersaarut anguniakkanik piviusunik arlalinnik aalajangersaavoq. Ilaatigut 2020-mi kalaallini innuttaasut 2/3-ii piginnaanngorsaasumik imaluunniit ilisimasavinnik piginnaanngorsaasumik ilinniagaqarsimanissaannik ungasinnerusumut anguniagarisat, Ilaatigullu 2006-2012-imi ilinniartitaanermut pilersaarummi aqquusaagassami siullermi piviusunik anguniakkat.

Ilinniagaqarfanni assigiinngitsuni ilinniartussatut tiguneqartut amerlassusaasa annertusarnissaat ilaatigut anguniagaavoq, tamannalu ilutigalugu naammassinnittut procentiata qaffassarneqassalluni, aammattaarlu meeqqat atuarfimmiinnerup naammassereernerata meeqqat atuarfianni naammassisut amerlanerusut toqqaannartumik ilinniagaqalernissaannik sulissuteqartoqassalluni.

Tamakku saniatigut Ilinniartitaanermut pilersaarutip aqquusaagassamut siullermut sullinniakkat marluk aalajangersarpai: meeqqat atuarfianni naammassinnissimasut, aamma ilinniagaqarsimannngitsut 50-it inorlugit ukiullit, tassaasut suliffeqanngitsut, inuussutissarsiutini unitsinneqanngissaasuni sulisut, aamma/imaluunniit pilersuisut.

Kiisalu ilinniartitaanermut pilersaarutip suliassaqarfittut pilersaarutitami ukkitarisassaqarfittut immikkoortortat imaluunniit ilanngunneqartitat arfineq-marluk aalajangersarpai, taakkunaniilluni ukkitassaqarfik ilinniagaqarnermik aqquusaagassanik erseqqissaaffik aammalu inuusuttut ilinniartitaanerat pillugu, kiisalu illut aamma inissiat pillugit imalik. Ukkitassaqarfittut immikkoortortani ataasiakkaani pilersitsiniarnerit arlallit suussusersineqarput, taakkunaniillutik pilersitsiniarnerit praktikkerfiit kollegiallu amerlassusaannik annertusaasussat.

Kollegiani inissanik aamma praktikkerfinnik pisariaqartitsinerup nalunaarsorneranut tunngatillugu 2008-mi apriliimi kollegiat pillugit nalunaarummi kollegiani inissanik pisariaqartitsinerup naatsorsorneqarsimanera nalunaarsorneqarsinnaavoq, praktikkerfissanilli pisariaqartitsineq 2008-mi marsimi praktikkerfissanik misissueqqissaarnermi nalunaarsorneqarsimalluni.

Nalunaarutit taakku tamarmik uani nassaassaapput:

http://dk.nanoq.gl/Emner/Landsstyre/Departementer/Departement_for_erhverv/Udgivelser.aspx

Tassaniissaaq aamma ilinniartitaanermut pilersaarut aammalu Inatsisartunut ukioq affakkaarlugu nalunaarutaasartut nassaassaapput.

Siunissami tulleriissaagassat iliuuseqarfigisassallu pillugit ilinniartitaanermut pilersaarummut pilersaarusiortutut aqutsisuusutut suleqatigiinni oqallinnermi pisartuni ilaatigut kollegiani inissat pillugit nalunaarut praktikkerfissanillu misissueqqissaarneq tunngaviupput.

Ukiut tamaasa soorunami aamma aningaasanut inatsimmi ilinniartitaanermut pilersaarut inissineqartarpoq. Ilinniartitaanermut pilersaarutip piviusunngortinniarnera pilersaarusiortutut aqutsisuusutut suleqatigiinnit malittariuarneqarpoq, ukiullu ingerlanerani naalackersuisoqarfinnik tamatumunnga attuumassuteqartunit aqutsisoqarfinnillu peqateqarluni pisariaqartitatut naleqqussaanerit suleqatigiissitap ingerlatarisarpai, taamaalilluni inernerisa sapinngisamik pitsaanerpaaq tikinneqartarluni.

4. Sooq ilinniartut ilaat inissaqartinneqanngitsut asuliinnaq illoqarfigisaminniit aallartinneqarsimappat?

Apeqqummut akissut tassaavoq:

Nuummi kollegianik aqutsisoqarfimmik ataqatigiisseqqaarsimanani Saviminilerinermik Ilinniarfiup atuarfimmit praktikkertutut ilinniartuutini atuarfiup aallartinneranut atuannigfeqarfik sioqqullugu 2008-mi juulip naalerneranut aggersarsimavai.

Maani Nuummi atuarfimmit praktikkernerminnut atatillugu ilinniartut inissaqartus-satut Saviminilerinermik Ilinniarfimmit piffissaq eqqorlugu nalunaarutigineqar-simanninnerat pissutigalugu allattuiffimmini ilinniartut pineqartut 13-it ilanngunneqarsimanninnerannik nalunaaruteqarsimasumit kollegianik aqutsisoqarfimmit ilinniartut tikereernerisa kingornatigut Saviminilerinermik Ilinniarfik pingasunngornermi 30. juli 2008-mi pulaarfigineqarpoq.

Taamaalilluni illuatungeriinnut tamanut ajuusaarnaqisumik Saviminilerinermik Ilinniarfimmit allaffissornikkut kukkussuteqartoqarsimavoq.

Aammattaaq Namminersornerullutik Oqartussat kaajallaasitaat nr. 1/2001-imeersoq atuuttoq naapertorlugu, tassani ilinniagaqarnermi isumaqatigiissuteqar-nermut, avataanit aggerluni ilinniagaqartumik ilinniagaqarnermik imaluunniit praktikkernermik isumaqatigiissummut taartaasutut atuarfimmit praktikkerneq suussusersisaalluni, aatsaat kollegianik aqutsisoqarfimmit immikkut akuersissuteqarnermik qinnuteqarnerup kingornatigut kollegianik aqutsisoqarfiup ataani illusisimmavinnik pissarsisoqarsinnaavoq suliffeqarfiusoq, pisumilu maani Saviminilerinermik Ilinniarfik nammineq illusimmavissanik nassaarsinnaanngippat.

Allatut paasillugu: taamaalinerani kollegianik aqutsisoqarfimmit ininik tunineqarsinnaasutut tulleriissuni kingullerpaajullutik inissisimapput, aammali Nuummi ilinniagaqarfippassuarnut ilinniakkamillu sungiusarfippassuarnut naleqqiullugu Nuummi kollegiani inissiaatit killissaqartut tunuliaqutarineqarput.

5. Ilinniartunik allanik taamatut nalaassisoqannginnissat qulakkeerniarlugu Naalackersuisut qanoq iliuseqarniarpat?

Apeqqummut akissut tassaavoq:

Ilinniartut ineqarfii pillugit Namminersornerullutik Oqartussat nalunaarutaat nr. 18, 1. november 2007-meersoq pigineqarpoq, tassuunalu kollegiaqarfiup aqunneqarnissaanik malittarisassat isumannaarneqarput.

Namminersornerullutik Oqartussat nalunaarutaata pigineqartup saniatigut Namminersornerullutik Oqartussat kaajallaasitaat nr 1/2001-imeersoq pigineqarpoq, taassumalu ataqatigiissitsinermi ajornartorsiutinik pisoqassappat maannakkut misigisarissat atugaalersinnginnissat isumannaartussaavai.

Kollegianik aqutsisoqarfiup aamma qaaqquneqarsimaffianut Nuummi Forständerit ataatsimiinnerannut atatillugu sap. akunnerani 36-mi suliniummik siullermik ilalikkamik Inuussutissarsiornermut, Sulisoqarnermut Inuussutissarsiuutinullu Ilinniartitaanermut Aqutsisunit qulaani nalunaarutip kiisalu kaajallaasitap pineqartut isumannaarniarlugit aaqqissuussisoqartoqassaaq.

Qulaaniittunik Naalackersuisut sinnerlugit apeqquteqaatinnik tamakkiisumik akissuteqarsimanissara neriuutigaara.

Inussiarnersumik inuulluaqqusillunga,

Siverth K. Heilmann

Inuussutissarsiornermut, Sulisoqarnermut Inuussutissarsiuutinullu Ilinniartitaanermut Naalackersuisoq